

菽園詩集

葉恭綽題

丘菽園居士詩集卷四

起癸丑訖壬戌
四十至四十九歲

丘菽園

星洲晚眺

癸丑

天涯綠樹報新條
日落紅亭見暮潮
芳草有情隨蘊籍
碧雲無際感飄蕭
經行繡陌頻移坐
悵望滄波欲放橈
島寄自來多歲月
夷歌聊復狎漁樵

然申浦頭
俗呼紅亭

書事用建除體

建州王氣終相忍
徒爲國除舊啓長星
興甲指君側滿漢
內相鋤中分忽南北
平和寇易婚兵諫
頗得力定制布共
和禪文數行墨
執手方交驩同舟
旋異域破碎而華離
山河將改色危乎朝
露晞壓將陣雲黑
成敗爭此棋苑枯
憐

此植收効付何人有味亦焉食開門揖羣盜尙囂吾黨直
閉口欲無言東望涕沾臆

壯志

壯志揮金脫寶刀窮途飲酒讀離騷未成世上萬人敵虛
負人間一世豪識字差能欺項羽游仙聊復託琴高舊時
種樹多龍化夢裏寒聲撼怒濤

清故后隆裕輓辭二首

黯黯孤星掩曙天沈沈故殿絕哀絃莊姜畢世悲黃裏望
帝當春化紫鵲禪草淒涼投璽後宮花寂寞捲簾前女中
堯舜隨生謚腸斷人呼讓國賢

濯龍妙選姪從姑誰信長門賦竟無身後山頭憐凍雀庭
前夜半泣慈烏東朝正寢猶陵隧后紀終篇殿漢胡見說
壽筵扶病起時聞忍死目遺孤

酬伍憲子黃毅甫馬小進容介公林佩弦李香介梁
伯雋陸晴嵐諸人來函見詢

月明雁過有遺音解帶風前一撫琴炎島翠毛飄孔雀閒
庭青李落來禽圖南夙喻莊生夢敗北庸知管子心終是
吾曹能善感聞名便倦到升沉

寄懷張菊生

元濟

友人語余張菊生游歐過坡曾
欲便道相訪以乏介紹而止

抗議猶傳政變年
疏狂吾合老晴川
飛書電疾迴天笑
結客金銷剩劍懸
只有蠻雲供嘯臥
何勞弱水引神仙
衣冠了鳥蓬門寂
賓戲無心答孟堅

追挽老博士容閔

遨遊曾事東西帝
顧盼誰當左右雄
三十功名塵土換
八旬歲月釣屠終
求仙徐福悲遐跡
鑿空張騫緬舊功
今日漢廷思父老
家徒安在起雲中

寄湯蟄仙

壽潛

焦山巨熱嵒天浸
奇絕都禁老眼過
地盡南溟浮大海
遊從異代勝東坡
炎方風雨鷄聲早
遠景樓臺蜃氣多
自向

雲中辨江樹歸舟天際興如何

椰樹

分行拔地碧叢叢長愛疎椰夕照中
老筆雙松垂直幹遙情百尺起孤桐
潤含雨氣連宵月涼送潮聲近海風
比似淇泉千畝竹南方嘉樹正蔥蘢

島上月夜

星洲明月無今古今夕何年太寂生
千里儘隨雲外隔十分偏向客中明
淒迷塵海魚龍睡蕭瑟風林烏鵲驚
遂令良宵容我獨孤懷滅燭盡深更

中年

少日飛騫壯嗜奇中年哀樂付琴絲生何如死憑翻轉富
不能貧是大癡競忽罪言傷杜牧最憐修道學微之千金
屢散遑千古便到千齡也可知

懺因偈

今年貧甚去年貧護落猶嫌賸此身誰信三生填不了人
天重懺去來因

續玉笛詩

有序

是歲癸丑小春四日四旬初度迴憶童年十五居鄉咏玉笛詩頗蒙長
老許可由是浪竊時名同輩競援昔賢謝蝴蝶鄭鷗鳴故事漫以丘玉
笛相呼爾時聞之私心良喜而不謂半生學問壯志無成卽坐前此慕
爲騷人名士之過滋足愧也今者羈客炎荒沿俗自壽從容賓友盃酒

平生賦詩一章聊以言
志卽用舊聯作爲起韻

梅花五月江城引楊柳三春洛下辭廿五絃中過夢影六

千里外舊鄉思快酬李委停杯弄健想劉琨倚月吹贏得

洞簫生謚去南朝文錦悔丘遲

附註光緒戊子年余十五歲所作玉笛詩如後詩云喚取青蓮笛一

枝前身尺八至今疑梅花五月江城引楊柳三春洛下辭減字偷聲聽斷續呼龍召鶴按參差風前誰爲殷勤弄長倚樓頭快詠詩

老懶

甲寅

老懶將成癖卑棲幸自由看雲舒倦眼臨水愛清謳

俗久忘機狎身寧外物遊塵塵稗海裏無礙泛虛舟

寄懷羅文仲

昌

及康夫人

同璧

雙修眷屬重人天同熟靈文甲乙篇謫降猶居蓬島列壯

遊已過閬風巔交光千莫驚騰躍寫韻鸞簫愛靜娟聊振

疎慵揩倦眼劉綱夫婦是神仙

雙劍甲寅長夏答馮息齋領事

晃

疎柳官閣對南薰仙吏維槎解好文孤島熱潮隨浪涌連
山宿霧到江分旌旗影裏閒觀奕聲鼓聲中孰掃氛儻向
騷壇尋角逐老兵吾亦尙能軍

劉伯端遠自香江有詩見投報以短歌

劉侯文筆清且超醉搔短髮吟飄蕭投詩試逐空江水奔
騰已過南溟潮珠光遍灑潛蛟雨濤聲激起癡龍舞有才
如此行莫哀笑把芙蓉向天語

雨過卽事

在禧街振
南社作

雨餘簷綠鬧晴鳩一味涼生小院幽白定杯調山茗活青
瓷盆供水梔抽過來逆旅誰爲客買斷清風不待秋翻笑
野雲無定性羈人早辦賈胡留

對月遣懷

在陋巷
寓舍作

盈盈月色欲留痕更送天風共一軒苦茗試嘗清不寐黃
花相對靜無言秋如中歲關哀樂人有傳文過子孫陋巷
自尋蔬水趣未須丹訣事玄門

京友函問詩稿並索近作輒命鈔胥錄副臨發侑以

此章既當自序且復代簡

乙卯

藏山霧豹澤皮毛身隱翻憐跡未韜功繭春蠶容日縛候

鳴秋蟀愛宵號裨謚適野惟吟草宏景怡雲愧贈桃我自
偷閒託排遣敢云養性近風騷

索居自述戲用隔句對法

枯骨干卿底世讎叱嗟青史歷千秋閒情對境偏雲起占
斷青山又一丘懶與慢期從叔夜妄差庸勝肯弇州不因
懶妄相緣法青史青山可自由

乙卯夏日島上卽事

時歐戰
方烈

小閣疏簾與夏宜攜床就樹逐陰移閒看鴉浴思鳬潔恥
學蟬聲訴鳳饑轉地熱潮孤島激遮雲巨幕晚煙疑道人
那識炎威重判作晴巒共賞奇

追輓寄禪和尚

有序

和尚未圓寂時曾以其所自著之八指頭陀詩集託湘人陳範郵以視余詩誠雋妙甚有唐音余以爲文字禪悅凡由儒入釋者大抵能之如宋代九詩僧之類尤專門以韻語名家雖甚偉異究非禪家裏本分事業未之奇也頃聞其提倡宗乘結集法侶復迺躬走京師力爭各省吏民侵占寺產等事憂勞况瘁至以身殉而後已焉此則誠非夙具道眼離諸恐怖者不能矣末法陵遲禪門寥落譬彼洶流忽失導者眷懷世衆可悲滋大固不僅爲和尚哀也

僧輪摧法會鈴塔泣幽燕
劫自驚三武身隨寂四禪

鶴林悲曷已鵠影怖尤憐
未信孤燈盡諸方正火傳

和尚
涅槃

後其得法大弟子如北京法源寺道階武
昌佛學院太虛均闡教一方名震宇內

閱明人所爲張靈崔瑩合傳感詠

異代崔張意未平
過原無補恨偏成

當時以會真
一記爲口實

疎花怯比

啼妝女寒月淒如落魄生遣妬孰教天與色殉亡真見世

多情猶憐隔世談徵兆同擬前身證鶴笙

相傳張靈因北感王子晉而生故字

夢晉余今友中有湘人易實甫者素負異才尤工詞藻衆復以張靈再世擬之

後死

丙辰

吾生後死能毋懼客邸逢春不自由憂國功難收半策傳
名志豈遂千秋光陰漫說將來補將相原知未入流惆恍
如聞作天對一時今古到心頭

丙辰夏日弔黃克強四首

黃興字克強湖南故諸生原名軫初爲自立會會員

當年漢口哀餘燼雨打風吹歷刼沉後死鬼雄呼沈蓋九

原相見話初心

庚子漢口自立會失敗被害者自領袖唐才常以下二十八人義從慘逾千數同人脫免後終顯大名者有二

沈蓋再敗而烈黃興屢蹶而成一哀一榮今皆返報唐君於泉下矣

猛憶紅花岡上行當時東海脫長鯨蘇君苟在儀何敢放

出一頭憐趙聲

趙聲字伯先運動南省軍隊多趙策略後暴歿于香港未預武昌南京之會黃遂專大名

董逃三竭不能軍勝固如棋敗亦欣長慰幸民歸伏枕自

然流涕謝勳文

此次共和再造黃實無軍功黎總統乃恢復其榮典勳位黃伏枕電辭未准歿後又蒙國葬焉

黨李恩牛自一時罪魁功首后人知遙憐江夏无雙士也

慕齊卿道四維

歷年破壞而還野蠻自由到處哮勃外人相訕爲土匪國黃興乃思借重管子書中四維之說以救其敝發易

收難大抵如斯

悲哀項城

手按皇圖竟自殊
閉門天子笑公愚
羣兒欲貴相牽引
瀕死應憐踞火鑪

唁南海先生新喪副室何旃理女士

有序

女史幼而知書兼通英國文字能水彩畫庚戌歐美游歸小住星坡之鰥園余從索得手迹數幀荷月柳煙意境蕭曠見者咸皆歎美頃聞遽恙歿于滬濱先生痛逝之餘徵辭及遠余用卽畫起興並申哀誄之微意云

急雨打荷圓壁碎
濃雲抱月寶珠沈
丫叉展玉疑新讖
叱撥嘶紅悵綠陰
郭代淑姬應厚殯
鍾成命婦想徽音
由公作達誰能遣
錦瑟華年定廢吟

爲從遊學詩文者而說偈言

于辭必已出復曰
重來歷廢一固不可兼之良無敵喪我

因爲人失主長遊騎濃熏班馬香須了筌蹄意剪綵爲虛
花搖筆有卽至倚門學笑啼居心毋乃僞碌碌公等徒紛
紛小兒戲歲月空遷流古今誰位置儻掩姓名觀安必爾
汝異豈世不好名在卿自難記叩首對前修用情究何許
所更匪一端所志無一語枯死蠹書蟲腐死搬薑鼠如何
衆蛾眉市皆悅西施如何衆粉脂國獨稱號姨此意誠遠
而子曰未之思

答人問學

古文晚出要窮經小學專師貴識丁一自詞章名近作更
從趨步服先型八家祖域唐韓愈五子蒙泉宋考亭名實

相殊推史例儒林道學久分庭

撫景觀化巽然有作

碧鷄上樹催華月紅鯉吹波踏錦流兩極無根隨軸轉諸
天積氣有星浮坐馳今古羲娥轡想入鴻濛帝女丘百萬
癡龍啣燭住大光明界照圓球

來日

來日看相各大難敢云饒舌似豐干金繒僅保衣裳會鐵
鎖誰將艣艦攔下士談天拚一慟愁人對酒不成歡劇憐
奇服江頭客自好離騷岌岌冠

示照相人

丁巳